

言汝今豈非以不實心或異所求或退轉故捨自身耶太子白言天主我所棄捨自身手足無不實心亦無異求又非退轉帝釋復言汝若然者云何使我證知是事太子白言天主汝豈不聞如我所作皆真實力太子即於一切有情隨起慈心觀察四方以實願力說

十三

十三

伽陀曰

若我所言是真實

貪愛自身為纏縛

真實不退轉今時

願我此身即如故

說是伽陀已太子身肢即獲如故由是空中徧雨天華奏天微妙可愛音樂和風徐起現諸瑞相

佛說福力太子因緣經卷第二

佛說福力太子因緣經卷第三

西天譯經三藏朝奉大德禪師傳法高僧慧覺沙門巨德護等奉

詔譯

尔時帝釋天主見是福力現生果報希有瑞相又知人天悉皆胥悅心頗異之乃謂福力

太子言太子汝今如是勤修勝行有何所求太子白言天主我為求證阿耨多羅三藐三菩提果拯拔一切有情出生死海悉令安住究竟涅槃時帝釋天主知福力太子勤求阿耨多羅三藐三菩提深心不動猶若須彌稱可其意作是讚言善哉善哉大士汝有廣大

最上願力必當速證阿耨多羅三藐三菩提如是言已隱身不現

復次於後彼國之王耆年而終其王未立灌頂太子於是王之宗族臣佐人民共會議言我等于今當令何人紹灌頂位時一人言若有福力大名稱者可宜紹位如是言已眾竟

悉同即遣使人周行求訪

是時福力太子當繼王位善根開發與諸侍從出遊園林太子行時道路平坦觸處皆無荆棘砂礫於其中路吉祥相現細雨散空旋布其頂異色飛鳥順次宛轉童男童女發勝妙聲踊躍奔馳咸生歡悅一切人眾身毛喜

豎皆得輕安又聞空中悅意之言太子觀斯  
 事相即起思念此相出現我當決定紹灌頂  
 位作是念已進詣園中受諸福樂其園有一  
 大無憂樹華開茂盛太子於彼安然寢寐諸  
 同往者樂華果故各於園中隨處遊賞又復  
 太子福威力故彼有龍王忽然從地涌出千

茂五

十四

葉微妙蓮華其量廣大色香具足最上可愛  
 而彼龍王又以神力徐置太子在蓮華上尔  
 時太子都無動覺由是漸過食時日正中分  
 餘諸樹影悉皆移動唯無憂樹影覆太子身  
 如故不動又彼園中諸餘華樹皆悉傾向大  
 無憂樹吉祥勝相悅意可觀

時福力太子夢見自身處穢汚上又見自身  
 穢汚所染又見自以舌舐虛空又見自身蓮  
 華中立又見自身上起山峯又見眾人頂禮  
 於已太子寤已隨應占察如上所夢如我夢  
 見自身在於穢汚上者我必應居灌頂王位  
 大富自在斯為前相如我所見穢汚染身者

我應處于大師子座如我所見上起山峯者  
 我應於一切處常居最上如我所見眾人頂  
 禮者我應為彼眾所尊重如是等事審占其  
 相我今決定為灌頂王  
 尔時彼國臣佐先遣使人周行求訪到彼園  
 中具見太子次第相續吉祥勝相心生驚異

此大福力有六名稱即時速還具陳上事時  
 諸臣佐聞彼言已皆生歡喜即依法儀悉備  
 所須行詣園中授其灌頂到已見諸吉祥勝  
 相

時福力太子即於微妙大蓮華上結加趺坐  
 以福力開發故四大天王奉天莊嚴大師子

茂五

十五

座帝釋天主奉天妙蓋及眾寶拂忉利諸天  
 奉種種寶嚴飾露幔散眾寶華如雲而下四  
 大王天諸天子眾雨種種寶奏天微妙可愛  
 音樂及散妙衣國中園林周徧清淨一切悉  
 無荆棘砂礫豎立幢幡珠繒交絡設妙香瓶  
 散諸異華與天宮等帝釋天主勅毗首羯磨

天子普於園林悉令化出四寶所成廣大樓閣以備太子隨意受用時彼臣佐又觀如是希有勝相轉復異之咸各肅恭虔命太子處師子座頂禮尊奉如其法儀為授灌頂太子得灌頂已身出光明周徧照耀一由旬量映蔽日光而不顯現是時眾中有一類人見斯

光已咸悉稱言此勝光王一類人言此福力王

亦時福力王將入王城帝釋天主等於其王前隨依法儀作供獻已隱復天宮時福力王既入城已善布國政人民熾盛安隱豐樂息諸鬪諍却除他敵悉無賊盜饑饉疾病愛護

人民猶如一子華果樹林悉皆茂盛時令不愆稼穡豐阜雨澤順時大地受潤

復次其後王之四兄聞斯異事成生驚怪共會議言福力太子勝過我等福慧二全以福力故為大國王最上大富稱可我心我等今時宜共往彼於是四兄同詣福力王所到已

即時咸祝之言願汝最勝增長壽命又復讚言善哉大王汝昔要期今能固立福慧若斯勝過我等於他國中統王大位皆由汝勝福力所成我等親朋具悉瞻覩

時福力王從師子座歡喜而下致敬問訊如應施設高廣之座命彼諸兄次第而坐諸兄

即令王復本座眾坐已定作諸供獻如先所論互談議已皆生決定歡喜之心時王起尊重意各以所奉如是集會過二三日王為諸兄及彼人眾開發令知福非福事說伽陀曰

無福者墮地獄中 受大苦惱常無間  
或墮餓鬼或畜生 受飢渴苦及負重

或五

十六

無福之者壞其身 無福為奴重疲極  
無福墮於聾瘡中 無福愚鈍多邪慧  
無福之者魑魅著 無福之者醜形容  
無福多於下族生 無福心亂人所惡  
無福之者多迷惑 無福為他所輕謗  
無福之者諸所為 雖復勤力不成就

無福之者身麤澀  
無福之人凡所居  
無福人所不隨順  
諸惡鬼神羅刹安  
無福者用藥治病  
由無福故受貧窮

悉無威光不可意  
草木青潤成枯瘁  
外境觸害亦復然  
常時侵燒無福者  
返成非藥病增劇  
復為他人所輕慢

無福之人生子息  
無福者雖眷屬多  
無福者壞於眼目  
多病皆由無福因  
無福之人多兇惡  
手指拳拳體不完

其性麤惡眾憎嫌  
常時離散生苦惱  
而復相續諸苦生  
小生疾病固難差  
無福常發麤惡聲  
語言人多不信順

無福之人諸所有  
無福唯聞非愛言  
無福雖居平坦地  
設或植種及經商  
無福者於一切時  
世間無少顧戀心

王官水火盜賊銷  
觸處常生於驚怖  
隨處旋當荆棘生  
雖常多作無義利  
所有財寶皆散壞  
實不可愛無善利

茂五

十七

諸無福者如是相  
福者所作善護持  
福者所行不懈倦  
如蓋覆蔭廣無邊  
猶犢隨母常飼乳  
又如劫樹悅意觀

智者當知皆破壞  
於一切時無散失  
常起堅固勇悍心  
復能制除諸惡兩  
福者如意善欲同  
常獲一切所欲果

福者能具忍辱力  
信行深固可依從  
福者廣布大名稱  
見者咸生愛樂心  
福者臨終無疾病  
極惡境相不現前

及得悅意大吉祥  
生生皆具妙色相  
能具多聞及智慧  
又能獲得聞持念  
臨終亦復歡喜生  
遠離驚怖及苦惱

福者臨終受天樂  
初利諸天夜摩天  
兜率天宮諸天子  
他化自在欲界天  
福者猶如大梵王  
於其一千梵界中

天宮樓閣現其前  
彼彼天人來引接  
化樂天眾亦復然  
咸來衛護於福者  
俱胝天眾皆宗奉  
廣大尊勝而自在



福者諸所作皆成 復常處於快樂位  
一切皆生愛樂心 乃至外境無觸害  
是時諸兄及其人眾聞伽陀已於福力王心  
皆信伏極大歡喜現世他生顯明開示一向  
悉知福力最勝  
時福力王爲諸人衆廣說福事開發心已觀

察虛空作是念言快哉我今可能徧於王城  
內外悉兩種種珍寶衣服發是心時忽有種  
種殊妙衣服及悅意華諸妙珍寶自天而降  
悉皆充滿王城內外現是相時人天胥悅咸  
生驚異悉起廣大淨信之心俱發是言快哉  
天子有是福力具大威德

復次其後諸小國王聞是事已咸起思念彼  
王有大福力具大名稱我今宜應往彼尊奉  
由是諸王共會一處各領四兵所謂象馬車  
步兵衆同詣福力王所下車前進肅恭伸拜  
合掌白言天子大福具大名稱爲大國王威  
德特尊我等今時故來親奉

十八末

時福力王即復致問普爲慰安如次坐已并  
其官屬各與無價上妙珍寶又以十善法門  
普爲攝化是時諸王俱獲勝利各還本國  
復次其後父眼力王展轉聞知如是奇事先  
遣使人詣彼國已自當速疾與諸官屬終日  
竟夜促途前進父王到已愛念子故即時遙  
見雙目淚垂悲喜交盈聲哀心切速從車下  
前執其手久而視之父王乃言我是汝父汝  
必深知我今年耄衰朽若斯國政甚難我不  
堪任今付於汝汝當負荷言已即時卸自寶  
冠置於子頂子如父教兼統其國

佛說福力太子因緣經卷第三 茂五